

Pattison

I.

Ara non siscla ni chanta
rossigniols, ni crida l?auriols
en vergier ni dinz forest,
ni par flors groja ni blava;
e si·m nais Jois e Chans
e creis en veillians;
car no·m ven com sol somnejans.

II.

Car a midonz atalanta
qe·m loing dols! E serai ben fols
s?eu totz temps ab leis non rest,
pos frain ma dolor plus brava;
si qe fais ni afans
no·m pot esser dans,
ni maltraigz no·m dol paucs ni grans.

III.

C?a pauc lo cors no·m n?avanta;
q?esquirols non es, ni cabrols,
tan lieus com eu sui, q?el test
m?es la joia q?eu cercava;
don son jais en trepans
e serai tot lans,
pos ma dona vol mos enans.

IV.

E neys noca·m n?espavanta
lurs estols dels fels, fals e mols
lauzengiers, cui Deus tempest,
si·m pren midonz e m?entrava
per ja mais a mil ans
tot als seus comans;
q?en als cors non col q?eu m?eslans.

V.

Ja Deus, qe·ls jornz fes qaranta
don mos sols es tornatz fillols,
no·m des a don ni a prest
mais re, si leis mi salava;
anz li lais el balans
lo mon e mil tans

contra leis qe·m tol totz enjans.

VI.

C?ap ton cor q?el mieu se planta,
sai qe·m tols ? car donar no·m vols
domna, que Jois pais e vest, ?
tot l?enjan q?a me portava.
Gen lo·m trais. Sain Johans!
Ar m?en creis talans
don cairai el sol ablasmans!

VII.

Ai! Domna prezans,
ar penz qe·us acol en baizans.

VIII.

Joglar, vostr?enans
voil, e Dieus lo vol mil aitans.

- letto 420 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/pattison-9>